

Guangjisi Minzcu Bau

ganhhau: CN45-0036 B.2013 Nd.7 Ng.24 liggaeuq gveiqceih nienz ndwenloeg cibcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3083期

Fuzsuih Yen Yawjnaek Swncienz Henhoh Nem Fazcanj Vwnzva Minzcu

扶绥县注重民族文化的传承保护和发展

Gaenh bi daeuj, Fuzsuih Yen gig yawjnaek swncienz、henhoh nem fazcanj vwnzva minzcu, haeujlaeg vatgud vwnzva daegsaek minzcu, roengzrengz dajcaux buek vwnzva yisuz daibyauij Fuzsuih、miz daegsaek minzcu haenx, hawj vwnzva minzcu youq lijyouz nem sevei fazcanj ndawde cungfaen fazvei cozyung.

Gaenh bi daeuj, aen yienh neix gyagiengz swncienz ndei “ciet lungz ngiengxyaeuij”、comz eu fwen、gaeqdoxdoj、cietyouzsaenz、cietfung-

sou daengj ngoenzciet vwnzva minzcu, baez daengz ngoenzciet couh cizgiz gaihcanj mizgven hozdung. Henhoh fouxdiegliengj、ciengq vaizcin nem ndangdaenj Yauzcuz daengj yisuz ndawbiengz.

Youq seiz haeujlaeg vatgud vwnzva daegsaek minzcu, Fuzsuih Yen comzrengz ganq daegsaek vwnzva canjyez, lumjnaeuz yawjnaek fazcanj vehganjhaeux Luz Civeih. Vehganjhaeux Luz Civeih youz bouxroengzgang Luz Civeih veh, de

supaeu gij daegsaek vwnzva minzcu Fuzsuih, cauh'ok meijsuz gunghyibinj gig gyaundeih haenx. Daj bi'gvaq daeuj, Luz Civeih dawz vehganjhaeux dangguh hangh saehnieb he daeuj guh. Seizneix miz gizdieg guhveh 160 bingzfanghmij, bi guh 1000 lai fuk vehganjhaeux, bingzciengz moix fuk veh gai 300 maenz daengz 12000 maenz, gai doh daengx guek.

(Liengz Cenzdungh)

SIUSIK DINJ

简讯

● Daj bi'gvaq haggeiz seizcin daeuj, Nazboh Yen heij guh lajmbanj yivu gyauiyuz hagseng yingzyangj gajndeih giva. Bi'gvaq roengz 822 fanh maenz. Daengx yienh doenghbox hagseng ndaej bang haenx 17124 vunz, ndawde, siujyoz 12111 vunz, cuhcungh 4972 vunz, daegbied gyauiyuz hagseng 41 vunz. Bineix, baihgwnz roengz 706 fanh maenz, 17227 vunz souh'ik, ndawde, siujyoz 14084 vunz, cuhcungh 3143 vunz.

(Hij Dwzhoz)

● Geij ngoenz gonq, Yungzsuij Myauzcuz Swciyen aeu gij fwen ngaih rox、vunzlai maij dingq haenx bienyaenq bonj saw “gvancez Dangj Cibbet Daih cingsaenz”. Dangqnaj, gaenq yaenq 6000 bonj, mienxfei q fat daengz gak danhvei、yangh(cin)、cunh mbanj.

(Veiz Lonzcih)

● Lozyez Yen youq 2013 nienz yienh caizcwng yawhsuenq ndawde anbaiz le yienh bonj gaep saujsu minzcu fazcanj cienzngaenz 5 fanh maenz、saujsu minzcu gyauiyuz cienhangh cienzngaenz 5 fanh maenz、minzcu cienhangh cienzngaenz 14 fanh maenz. Cujyau yungh daeuj gajgez gij nanzdaez daegbied dieg saujsu minzcu fazcanj ginghci bungzdaengz haenx.

(Vangz Caijlonz)

● Majsanh Yen Gujcai Yauzcuz Yangh gig yawjnaek hong gajguh ranzyiemj lajmbanj, daj 2009 nienz daeuj, daengx yangh gaenq guhsat hong gajguh ranzyiemj 1113 hoh, bangcoengh cienzngaenz 1800 lai fanh maenz, 4500 lai vunz souh'ik.

(Lanz Cinzlu)

● Bineix geiq daih'it, Yilin Si daengx si gij minzcu canjbinj giyez ndaej yiengsauh cienzngaenz louzdoengh youhvei daigvanj leihsik haenx daj bi'gvaq 3 aen gya daengz 6 aen, gungh yiengsauh youhvei leihsik daigvanj 3.65 ik maenz, ndaej diep leihsik 255 fanh maenz.

(Cwnz Yinan)

Sanhgyangh: Vwnzva Maenhndei Dungcuz Fazcanj Ndeiraeuh

三江:精品侗族文化绽异彩



Gaenh bi daeuj, Sanhgyangh Dungcuz Swciyen haeujlaeg vatgud minzcu vwnzva swhyenz, supaeu cienzngaenz sevei、giyez, gyadaih roengzngaenz fazcanj canjyez vwnzva maenhndei, gyagiengz beizyangj vunzcaiz vwnzyi, mboujduenh okmoq vwnzva maenhndei cauxguh gihci, unglab ok doenghgi canjyez vwnzva maenhndei gig mizmingz haenx, lumj《Naengh Hwnz》、dajsiuq Dungcuz、veh nungzminz Dungcuz daengj, hawj dieg Dungcuz minzcu vwnzva lijyouz ndaej ciengzgeiz fazcanj, coicaenh nungzminz baenzfouq. Ndaw doz dwg 7 nyied 16 hauh aen yienh neix cingq yienj《Naengh Haemh》.

(Yangz Mingz ingj)

Duh'anh: Dajciengx Hozcozse Coicaenh Nungzminz Yauzcuz Souhaeuj Demlai

都安:以养殖专业合作社促瑶乡农民收入倍增

Gaenh bi daeuj, Duh'anh Yauzcuz Swciyen cizgiz fuzciz dajndaem conhyez hozcozse, daihlig dajciengx yiengzbya、cwz(vaiz)noh daengj, coicaenh nungzminz mbanj Yauzcuz souhaeuj gig lai. Daengz dangqnaj, daengx yienh gungh miz dajciengx conhyez hozcozse 14 aen, veiyenz 140 vunz, cienzngaenz cucwz 3500 lai fanh maenz.

It dwg aeu cwngecwz youhvei fuzciz laebguh hozcozse. Aen yienh neix gonqlaeng laeb lai cungj hozcozse, baugvat mouseng、bitgaeq、cwz (vaiz)noh、yiengznoh、cunghab loih daengj 10 aen canjyez, comz

swnghcanj、gyagoeng、gaicawx itheij, guh ndei swnghcanj gaxgonq、swnghcanj seiz、swnghcanj sat gak duenh cienzmienh fuzvu.

Ngeih dwg yawjnaek gisuz beizyin. Lucingj swcigih dajndaem gisuz conhyah, gaihcanj bitgaeq fuengzbingh、vunzgoeng coqing、byauhcanjva swnghcanj、fouzgoeng-haih dajciengx daengj gisuz beizyin. Daj bineix daeuj, daengx yienh gungh gawjbanh beizyinbanh 21 geiz, beizyin seyenz 3700 vunzbaez.

Sam dwg daphwnj canjbinj gaicawx bingzdaiz. Aen yienh neix doenggvaq gawjbanh “mingz dwz youh

canjbinj canjsiuhvei”、“canjbinj duihgaivei”、“Milozdoz vwnzva meijsizce” daengj hozdung daphwnj canjbinj gaicawx bingzdaiz. Dangqnaj, gij canjbinj dajciengx gak conhyez hozcozse gaenq gai daengz Gveicouh、Gvangjdungh、Nanzningz、Liuicouh daengj swngj(si) caeuq gij yienh yangh henzgyawj.

Ciuq gyoepsuenq, doenggvaq hozcozse gensez, seizneix gaenq daiqdoengh henzgyawj 500 lai ranz Yauzcuz guh gveihmozva fazcanj, moix bi moix hoh demsou 6000 maenz daengz 8000 maenz.

(Lanz Fuzgvanh Lanz Aicih)